

1. Personalne pronomeny

Pronomeny zastupuja w sadźe substantiw (=nomeny). Z tym, zo město substantiwa pronomen wužiwaš, njeje w sadźe telko wospjetowanjow.

w **singularje**: ja, ty, wón, wona, wone

w **dualu**: mój, wój, wonaj, wonej

w **pluralu**: my, wy, woni, wone

Wobkedźbuj!

Prepozicije **do, k(e), na, za, wo** žadaja sebi w 1. wosobje singulara dołhu formu pronomena:

do **m**nje, ke **m**ni, na **m**nje, za **m**nje, wo **m**nje

Formy 3. wosoby kotrež so z **j** započinaja, přistaji so po prepozicijach **n**:

bjez **n**eje, bjez **n**jeho, bjez **n**jeju, bjez nich, k **n**jemu, k **n**jej, k **n**imaj, k **n**im, za **n**jeho, za **n**jón, za **n**je, za **n**ju, za **n**jeju, za **n**jej, za nich, za **n**je

Reflexiwny personalny pronomen **sebje** so přeco na subjekt sady počahuje.

genitiw	sebje (so)
datiw	sebi (sej)
akuzatiw	sebje (so)
instrumental	ze sobu
lokatiw	wo sebi

2. Posesiwne pronomeny

Zwuraznjeja wobsydstwo abo přislušnosť. Prašamy so za nimi z **čeji? čeja? čeje?**

<i>moja</i> šalka	<i>naju</i> mać	<i>naša</i> šula
<i>twój</i> woblek	<i>waju</i> ćeta	<i>waš</i> wučer
<i>jeho</i> kniha	<i>jeju</i> džěd	<i>jich</i> rjadownja
<i>jeje</i> awto		

Posesiwne pronomeny **mój, twój, naš, waš** deklinuja so kaž adjektiwy z mjechkim zdónkom.

Posesiwne pronomeny **jeho, jeje, naju, waju, jeju, jich** njehodža so deklinować.

nominatiw	<i>twój přećel</i>	<i>jeho přećel</i>	<i>twoji přećeljo</i>	<i>jeho přećeljo</i>
genitiw	<i>pola twojeho přećela</i>	<i>jeho přećela</i>	<i>twojich přećelow</i>	<i>jeho přećelow</i>
datiw	<i>k twojemu přećelej</i>	<i>jeho přećelej</i>	<i>twojim přećelam</i>	<i>jeho přećelam</i>

Posesiwny refleksiwny pronomen počahuje so na subjekt sady.

Wón so deklinuje kaž adjektiwy z mjechkim zdónkom:

swój, swoja, swoje, swojej, swoji, swoje

Kedźbu! swój ≠ jeho

Marek rjedži **swojeho** konja. → kón słuša Marekej

Marek rjedži **jeho** konja. → kón njesłuša Marekej

3. Relatiwne pronomeny

Relatiwne pronomeny zahajeja stajnje pódlanske sady, hdžež wotkazuja na wosoby, zwěrjata, wěcy, kajkosće a mjenjeje hłowneje sady. Relatiwne pronomeny počahuja so na něšto, štož je so hižo mjenowało.

To su: **štož, štož, kotryž, hdžež, hdyž, kajkiž, čejiz, čehoždla, kaž, jako/jakož, kiž, doniž, wotkelž, čim, dołhož, kelkož**